



Savjeti za aktivno uključene roditelje djece u Državnim Školama Gwinnetta

Budi Tu je nacionalni pokret koji pomaže roditeljima da aktivno učestvuju u odgoju svoje djece. Uči se svugdje. Budite omiljeni učitelj Vašeg djeteta. Družite se na osmišlen način i Vaše jednostavne akcije će uroditi plodom kod kuće, u igranju i školi!



*Bićemo zajedno za naše učenike—
Državne Škole
Gwinnett Kantona i
VI!*

Načini na koje možete podržati dijete koje ima problema u učenju

Svako dijete u toku svog školovanja može imati problem sa nekim predmetom ili školskim zadatkom. Ponekad, problemi mogu biti zato što dijete nije savladalo gradivo iz - pravopisa, čitanja, pisanja ili matematike i potreban je napor da se postigne zadovoljavajući nivo znanja. Evo nekoliko savjeta kako možete pomoći svom djetetu ako on/ona imaju problema pri savladavanju gradiva.

Budite primjer kako se boriti sa zadatkom, kako ustrajati, i uspjeti. Govorite naglas dok razmišljate o tome kako ćete riješiti svoj problem tako da Vaše dijete može naučiti kako da rješava teške probleme.

Skoncentrišite se na problem i pomozite djetetu, radije nego da se samo koncentrišete na konačni proizvod, ocjenu ili test. **Proslavite poboljšanje.**

Obraćajte paznju na sposobnosti Vašeg djeteta dok istovremeno radite na poboljšanju njegovih/njenih slabosti. Učinite sve što možete da znatizelju svog djeteta usredotočite na oblast u kojoj ce doživjeti uspjeh.

Budite pozitivni, uporni i spremni da pomognete kad dijete ima problem s novim i teškim gradivom.

Kad dijete ima problema sa čitanjem...

- Svako jutro dok doručkujete držite na stolu jutarnje novine na stranici na kojoj je nešto što bi moglo interesovati učenika.
- Omogućite djeci da čitaju ono što njih interesuje, uključujući interesantne časopise, križaljke i druge zagonetke, dnevne novine, itd. Gradska biblioteka ima i posuđuje sve ovo.

Gdje god da idete ponesite sa sobom nešto za čitanje – bilo da ste u automobilu, autobusu, dok čekate na sastanak, itd. Knjige na CDu su praktične za slušanje u automobilu ili kod kuće. I njih možete posuditi iz biblioteke.

- Budite dobar primjer svom djetetu. Ugasite TV i čitajte.

Neka pisanje i čitanje postanu dio svakodnevnih aktivnosti, kao naprimjer, pisanje/čitanje spiska stvari za kupovinu, stvari koje treba uraditi, upakovati, uputstva koje treba pratiti, itd.

Riječi koje se trenutno uče ispišite na kartice i postavite na vidljivo mjesto u kući. Držite poseban set pri ruci dok ste u automobilu, dok čekate kod doktora, itd.

Učinite svakidašnje nesvakidašnjim!

Pobrinite se da vam dijete bude uključeno u neku ne nastavnu aktivnost ili projekat u kojem može biti uspješno. Uspjeh u bilo čemu će pomoći samopouzdanju koje može biti poljuljano zbog neuspjeha na drugim poljima.

Ako ocjene pocnu opadati, nemojte eliminisati djetetove aktivnosti, samo ih smanjite. Na primjer, umjesto da dijete napusti bejzbol, smanjite broj utakmica koje igra ili smanjite vrijeme treniranja kako biste obezbjedili više vremena za učenje i više vremena za domaću zadaću.

Prije nego se test uradi u školi, omogućite djetetu da napravi svoj test koji se temelji se na pitanjima za koje dijete misli da će nastavnik pitati. Ovakva vrsta testa može poslužiti kao praksa i ponavljanje gradiva prije testiranja u školi.



Jedite obroke zajedno i pokažite interes za školski rad i ono što se dešava u školi. Pričaj mi o svom danu." "Koji je najbolji dio?", "Sta učite iz poznavanja prirode? Matematike? "Razgovori sa djetetom kod kuće o gradivu mogu pomoći učenicima da ga lakće zapamte.

Napišite neku lijepu poruku i stavite je u djetetovu školsku torbu i u vrećicu sa ručkom/užinom. "Sretno na testu iz poznavanje prirode! Znam da ćeš uraditi odlično "." Bravo za trud na pravopisu. Samo nastavi tako!"

Brinite o aktivnostima i planovima djeteta, koristeći pismene poruke, e-mail i instant poruke. Komunikacija s djetetom je od vitalne važnosti za njegov/njen uspjeh.

U sobi Vašeg djeteta koristite malu tablu za bilješke, podsjetnike, za nove riječi, planiranje dugoročnih projekata ili za ideje prije početka pisanja.

Ograničite upotrebu elektronskih sprava, naročito za vrijeme pisanja zadaća. Uklonite TV iz spavaće sobe Vašeg djeteta. Dopustite korištenje komputera u zajedničkim prostorijama gdje je moguć nadzor. Ovo, ne samo da će pomoći da dijete bude skoncentrisano na rad, nego će omogućiti i kontrolu korištenja interneta.

Učite dijete kako da upotrebljava plan rada i ohrabrite ga/je da ga koristi. Možda će potrajati dok mu/joj ne pređe u naviku, ali ga/je konstantno podsjećajte na njega.

Isplanirajte vrijeme za zadaće ili za ponavljanje gradiva, čak i ako dijete nema nista za zadaću.

Ako mislite da je problem Vašeg djeteta nešto više nego samo da "nije shvatio" neku lekciju i da je situacija puno ozbiljnija, obratite se nastavniku Vašeg djeteta.

Učinite svakidašnje nesvakidašnjim!